

太
乙
舟
詩
集

太乙舟古今體詩集卷八

新城陳石士甫著

三男蘭第校刊

自揚州渡江省五叔父於江寧次八里江度歲韻誌

別

旅愁無際且拋除買棹鍾陵問起居見面喜從隔年後浮

家人是遠行初北門橋宅迎楹雁

北門橋叔父假館地名賸方遺嫁楊氏妹金

帶圍花映佩魚歸妹禮成游子去春明盼取北來書

遠行心急却遲行長者情深身累輕奕賭謝囊言自佩夢

烈妻被淚還傾

用光兄弟以先大夫服用諸物留奉叔父家書未至金陵時叔父夢與先大夫立語

移時或鼻簾擗過先大夫忽語云多書五多功夢中不知作何語翌日而書至

鴿原老輩存晨

宿鵝爪天邊認石城相對霜髭依雪鬢離亭風笛漫催程

壬申五月五叔父寓袁浦待用光北行過與話別以

所畫林泉寄興圖命題乙亥正月賦四章寄呈時

用光居嬾眼巷新買宅

學舍惟藏善本多幾曾卜築詔煙蘿

叔父未曾作園茲圖乃寄興也所築別業

日春暉學舍在居室之旁藏書甚富

年來飽領登臨趣畫卷新題安樂窩筆

可生花應有夢文如翻水自成波阿翁寄興心如此努力

諸孫事切磋

窗臨荷鏡沼通船松長龍鱗竹走鞭西水當年盛聚展鄉

雲卅載護林泉銅盤思自懷遵彥

用光最爲三叔父所憐愛春草悲

展惠連展取仲容思舊句知翁欲廢棣華篇

袁浦停舟待阿宜畫圖脫手喜先披百年肯構心斯寄十

笏開堂事尚遲谷里章無士龍作

宋薛季宜谷里章寫其寓居樊曲之勝奇崛頗

似虛全馬異用光祿擬其題題其所居新宅之太乙舟

北山文有德璋移宦遊未遂

抽簪願夢入清江放棹時

寫就桐陰憶故鄉舊園昨復感南昌

用光有桐陰草堂圖卷子南昌舊園圖則

畫大仙父舊園也

吾家池館多幽勝萬卷圖書尚蓄藏面勢幾時

成別墅耳孫學拜亦扶牀題詩我次圖中韻鳩杖隨翁話

草堂

送仲兄朗亭往濟寧

占爻十載利于磐忽漫春風振羽翰深喜身從今日貴時有

投効河工修理緯路工竣後議叙之信 怡憐別向此時難倚桐簫管隨雲遠

兄有倚相聽簫圖 分夢關河感夜闌一樹荆花開爛熳如何此際

促征鞍

桓東拋却少年場翹首青雲奮翮翔從此莫忘守庭訓計

程恰喜近淮陽防秋好試塢流法報最從開畫錦堂可奈

春光牽別恨桃花紅帶柳絲香

題荆華棣萼便面歸呈朗亭二兄

仲兄偕我北行時我着青袍入瑣闥今我瑣闥事分校兄

先一月到京畿人間鴻爪重尋易花畔春暉久駐希一樣

機驅歸未得鄉雲夢遶墓同飛

喜聞玉士弟所論事詩以勗之且堅其意

一語聽來喜不支善根從此好扶持能知老輩存心處合
是先君牖子時鏡欲磨教纖翳盡矩須絜取四方宜

雞蟲得失原無著况是前規例外規

吾衰未了心頭事大武難於遠涉時望汝引伸能觸類如
江會合有分支求仁每潛文心慧從欲頻教福分移莫謂
吾迂不解事閱人多矣驗成虧

身世興衰決以機不言因果貴知幾護家事溯楊懷簡行
德心忘魯絜非廉賈利難三倍售短垣踰有反唇譏君能

反掌行其意後日培風自奮飛

送玉士弟南歸

先公厚德未全湮放汝賢書得解身下第莫忘仍力學還
家自可慰偏親籀雲天驥唯稱德鼓鞀祥金貴就釣我有
耕煙堂畔夢送行腸與轉車輪

先公厝於西谷丙舍堂名

玉士弟來省余于三山賦詩二章送其計偕北上時
連日風雨誦韋蘇州風雨對床句盼其得第來問

也

連朝雨滴對床心別緒蒼茫動遠吟行路莫忘難處想讀
書須向倦時禁料曩年齒猶初日珍重家聲抵萬金叔向

曾言貧可賀吾衰望汝獻虞箴

水驛山程去路遙喜逢吟侶與連鑣時與饒嘯峯迴嵐影

飛青外棹發春痕蕩碧朝計至浙時已及新年覓句功應收燂掌成

名佩莫解紉舊行芳志潔游京洛盼汝書來破寂寥

東廿三弟詢足疾

聞因重脰不良行曾否朝來疾已平息踵真人能衛足梯
空雲路解登瀛步趨高躅論文字敬慎亨衢涉世情功在
出門占視履吹埴聊索和簞聲

喜伯芝姪提南宮

一第艱難十載餘題橋今果慰相如伯芝勸修里中石橋督工甫竣而得第

好文倘得瀛洲選苦志應酬院體書

伯芝日課廷永憶

門風誰振拔待看儒術與爬梳釀成嗣產矜持甚

時方募增祭田

亦見敦宗願已攄

試士以玉堂栽花命題讀東坡原詩有感次其韻寄

伯芝

夢迴宰樹乍披榛祿養空悲未逮身鎖院清齋成我老墓
田種稻爲誰春門風述祖傳經舊花影循磚接履新能作
劉殷予所慰玉堂原重讀書人

送希祖主試河南

履齒拆於聞信日簪花榮比唱臚時

主試官進院日必簪花

天教此

事從君補人頌三年爲我遲
引進有不就試學到深醇大
自達心能恬澹遇偏奇平生相許還相勗消息盈虛子早
知

遊梁我肯訪鄒枚輸汝今持使節來中土倘傳程氏學洛
陽應有賈生才鴻泥踪跡他年認河岳英靈此日廻若見
高岑訊消息爲言詩夢在繁臺

題鍾溪贊書圖

藏書樓上校書時爾我相看未有髭仕宦生涯潘鬢改先
人心事晏楹知十弓地約重開塾萬卷瓜分感借瓶且喜
門生來執贄家風儒素此支持

壬子年先君命俞會與用
光同校凝三府君遺書於

藏書樓下編書目藏於各房先君嘗欲樓下作家塾未成
用光庚午歸問書目及書已分析無存者矣每讀姬傳先
生藏書樓記
不勝慨然

寄希曾四十初度

太行山畔使星明按部傳來有頌聲每憶笑談追老輩依
然風味一書生陰垂慈竹觴還舉懷貯冰壺夢亦清記取
而翁遺德在百年努力稱科名

年來讀易有新知憶共蕭齋把卷時歲月易教豪氣斂才
華莫遣素心移我思補過能觀象爾解尊生合玩辭校罷
遺書一惆悵鄉園夢到講經帷

時方校刊山木
先生所註周易

散孤辰在唱牖前回首宮花歷鬢年使院滿斟初度酒上

林剛宴大羅仙憑誇俊侶聯三島豈少奇才老一編寄託
孤寒須月旦好持此意到華顛

服紵姪孫得官湖南

吾家工侍最聲名卿貳廻翔遽九京叔子當官猶勵志長
郎急養且專城昨來乍應輸邊例詰旦當爲南楚行莫悵
神山風易却親民官可振家聲

一縣周知不易爲榕門相國語堪思任延誰與輕年少尹
鐸從來賤繭絲南嶽雲開秋色好洞庭波靜月光宜畦蘭
畝蕙饒消興迴雁峯前合寄詩

讀范石湖留別女弟詩有感用其韻寄懷楊氏吳氏

兩女第

憶昨邗江乍縱船鄉雲迴首夢中天迢遙存問三千里容
易消磨十二年咬汁俗原疎骨肉乾餓禮莫廢嫻連安能
挽共春明住耐得窮愁在眼前

留別從女雪蘭

秋風吹夢到歸艖北阮三年寄寓身別汝情原如父女曰
余心早憶鱸蓴去無可戀寧懷土住不能謀莫療貧明月
梅花村徑好作詩問訊嶺頭春

闕河此去路迢迢舊夢回頭尙未消暇日詩篇常共把病
中羹藟總親調打包鎖院營乾糲主進牢盆立紫標若向

夜窗談往事相思各剪燭千條

吟成佳句問如何削稿曾消墨幾螺到眼文書都手勘過
人鮮悟得天多詩無怨語情深厚才可持家境坎軻記取
本師臨別語養身原自要心和

買春知我覓嬋娟贈與藍橋種玉緣一載雙棲人旖旎五
湖同去意纏綿護花信汝情非薄別主憐渠夢尙牽爲道
後期有成約來年早趁運租船

柬雪蘭姪女

六張五角平生事肺疾連宵苦未平撥置莫思他日累擔
持休視此身輕克家事業惟教子却病工夫好慰兄我愧

無從爲料理夜來倚枕亦三更

永春途次示大煥並寄幼兒蘭瑤

山程水驛聽傳餐客況渾忘行路難憶汝昔年事戎馬曾
經絕徼耐饑寒綠溪閭嶺紆三折叱馭秦雲走六盤秦山名
彼此相望各萬里每欣書到說平安

寄長孫大煥

絕非冷炙與殘羹行館傳餐造次成從我乘輶無客況依
人旅食有書生汝今遠別經鄉曲猶勝饑驅事筆耕咬得
菜根知味否動心忍性者奮行

聞隣家讀書聲詩寄大煥大慶兩孫

西竺東舍讀書聲鎖院閑行每喜聽莫向兔園尋舊冊可
能歐冶發新礪三年激勸吾何事五夜辛勤汝孰令寄語
諸孫知此意吾衰猶自盼傳經

書懷寄內十首

黃鸝聲裏柳如絲曾是行人遠別時千里客懷從澹宕萬
山歸夢總支離那原負笈纔移櫂杜甫趨庭又賦詩催併
遊踪成宦跡樽前情緒有春知

吟屐年時別建康江山憑眺足文章遊梁我爲從枚叔斷
織卿曾勸樂羊三尺槩搖歸客舫六年人過讀書堂誰知
舊夢重尋處千里同行有孟光

余自癸丑游學金陵後戊午春暮挈眷屬自陳州歸

太乙舟詩集

卷八

里紆路過江訪姚姬傳師於
鍾山時內子寔勸余成行云

還鄉半載重揚舲春到江南草已青乍喜雲山如舊友忽
驚風笛又離亭雋遊誰遣搏沙散歸夢偏從倦夜醒最是
客懷孤迥處驟綢還向五更聽

小住淮陽又半年更携短策去幽燕夢迴官閣雲俱遠書
寄鄉心月又圓入世科名憐我晚還山肯肯仗鄉賢得榮
桂籍尋常事博取高堂一蹶然

計偕不許共歸舟重別高堂事北遊射策蘭成雖負望持
家徐淑恰多愁燈前喜事占金粟簾外春陰護玉鉤盼得
淮陽征雁到知卿分夢又皇州

十載詞場落拓身
千山迢遞未歸人
艱難飽歷心無碍
倖全空筆有神
敢詡新衙登禁近
劇憐舊友祝星辰
可知此舉同孤注
盧彩闕心問夙因

一紙泥金笑口開
老親投綬恰歸來
遙知介壽筵初舉
正值看花宴乍廻
戲彩自憐爲少子
簪毫深媿是凡才
從今擬佩偕隨唱
願得年年學老萊

鵲爐香暖可憐宵
好麗情懷感寂寥
具饌偶然憐絡秀
題詩還欲傲苙超
人間銀鹿從添價
天上星河枉借橋
遂得狂奴狂態處
總綠錦字不曾挑

魚箋重疊說相思
想得檄書下筆遲
事少同謀心易苦
家

緣中落力難支鏡奩料理館甥日荊裏叢殘哭壻時爲問
朱顏如昔否塵勞愁緒況如斯

頻年歸計悔蹉跎昨歲尊鱸感更多膝下兒嬌師屢易堂
前親老鬢雙皤浮榮早薄陽鱗味初忘空傳扣角歌偕隱
之年三十八句與卿有約在煙蘿

內子四十初度

荷菱香中醉玉卮成行見女奉觴時無心佞佛知余達刻
意持家笑子癡太乙舟移詩客舫海棠巢託上林枝貧
官贏得團圓樂祝與平登黃髮期

支持弱體歷間闕隨分葢鹽亦駐顏深喜別來身漸健更

期自此意都閒爐香茗椀成清逸繡幃雕輪謝往還不是
流光真解事詩辭絲竹守寒慳

寄懷內子四首

猶爲西上更東游草草辭家不自由遠路衣糧書巧貸故
園松桂夢勾留餞春邗上還題袂泛宅盱江合放舟未得
偕行先獨往妬他圓月上簾鉤

身事于人愧可知年華已似日將西消磨淮海花千片孤
負春山雨一犁趨闕空煩誇彩筆題書還自夢香閨北
行底事偏南望家信更番費赫蹏

松楸誰向故山栽坏土猶遲馬鬣堆大事能肩悲有待浮

言難闢愧無才客過鄉夢模糊醒江上春帆次第開更恐
兒曹習紙衫教撓筆硯就鄉枚

逋仙湖畔及春遊短簿祠前駐櫂不路繞鍾陵遲負笑人
羈邦上感登樓何當却鼓金山櫂便與同開素浦舟不爲
桃根仍打槳渡江迎取聽鳴騶

壽內子五十生日

新婦爲婆已十年雛孫入抱亦差肩昨盤戈印看携日後

日爲長孫試週彩戲笙歌正舉筵索米漫深從宦感授簪猶記阿

姑憐先太恭人初見內子時拔簪授之時話來課讀含飴

樂著代心情未易傳

族弟邀賓爲治具阿兄襖被恰南來

服坐舅爲先期治具而雲亭舅於昨日適

到荆花笑舉春闈句

予于闕中曾畫荆花便面各係以詩出闕爲仲兄朗亭從子式如話團圓

之樂今仲兄從子皆在京師亦兩家韻事綺席同添肉集杯兩姓團圓話鴻爪

百年轍佩頌蘭陔樽前致語稱何語勵學惟期子姓才

五十初度門人柳溪兩垞諸君製文見贈旣不能却

賦詩誌謝

鮮民詎忍說稱觴況洒鴿原淚幾行愧辱諸君投寵貺競
抒才語飾門墻散材那有干霄意老蠹唯尋辟穀方四十
九年迴首處圓身萬卷重商量

與竹香兄夜坐有懷

負郭都餘屋數椽塵勞心力說隨緣官身敢計中人產親
養須謀下濕田燈影照堦清不寐月光墮水澹生烟對床
細論人間世各有深情在簡編

題十三兄靜軒行篋遺稿卷尾

當年撒瑟事酸辛曾把遺詩哭九旻坏土未謀埋骨地一
編重寄落花辰簪毫有志空餘恨夢錦無靈不致身爭怪
爾翁腸欲斷天涯兄弟也傷神

章門初買孝廉船行役隨親彩服鮮收取秋光歸眼界持
將高詠對江天年華爭說同朝日壯志無端委逝川檢點
蓬窗遺稿在一回披誦一悽然

平生風誼劇能敦好士類開宴客樽竟使年華悲李賀

卒兄

時年二十七何曾骨相類虞翻十年鄉舉留春夢一領朝衫拜

國恩憑仗諸君哀誄句九天九地喚歸魂

兄卒後友朋之誄詞劇多

叔父彙之成帙

生平同歲長同師

余與兄同年生長同受業於山木舅氏

說史談經兩不疑

喜我同聽黌序講讓兄先折桂花枝尙餘名世無窮願并
作他生未了期壁斷綵箋焚却硯如鉛清淚落書帷

寄輓玉方大姪

早歲身幾成瘵疾壯年官更享書名攝生竟不登中壽乞
養彌傷就去程及爾少時同筆硯嗟余暮齒夢江城門風

素秋家聲在庶見諸孤學自成

久不得上思札不知蘭滋夫婦得慶孫耗後悲傷是
何景狀蘭滋婦病痊否夜中不寐成長句一首却

寄

舐犢情懷望眼穿憐渠夫婦亦中年何堪桂折芝摧信忽
到調糜煮藥邊歲厄龍蛇迷詎得官師召杜守須堅莫教
悲痛纏心骨祖德終承後福延

雨後過靜娟殯室

苦雨愁看屋漏痕殯宮誰與護朝昏附舟况辨南歸策孤
櫂彌傷遠別魂昨夜泊裝真入夢故山買穴待成言嗟余

腸共車輪轉忍不驅車一叩門

十月十四日悼七女

二十六年彈指過輕塵短夢太悠悠可憐生日今朝是聽
說靈床前月收千里別添生死恨三年聚益別離愁阿娘
一掬相思淚爭禁淋浪兩頰流

家將中落身先去子必高騫齒尙孩幼學他年誰爲導傷
心此日我徒哀小姑汝約挈舟送雨第今都挈婦來盼到
外孫終就我只傾老淚向泉臺

寄酬魯念之表兄卽用示吳氏姊次首原韻

一燈青對短長吟簾外寒威故故侵茗椀浮香烹雀舌瓶

花挹露暈檀心許爲宅相余何敢話到經師世共欽腸斷
中條山色好蒼生屬望未成霖

謂舅氏山木先生辛安邑數年不究其用而歿於官

留別魯廷之二首

桐陰如幄一堂分昆季聯裾記共君鴻爪十年賓榻夢秋
風三載故人墳

令兄習之墓草已宿

高才涉世須通蔽令子承家總

善文酬取難兄心力處詞壇立幟在能軍

舅氏清名愴逝川兩家兄弟各中年情深談笑餘莊語心
澹身家得善緣似爾杜門真自好笑余攬轡欲誰先秋山
壁立秋雲薄別緒因君幾度牽

贈曹堦叔及其弟祐

文字如何始立身要從靜悟發天真鏡磨夙翳光才照花
翦蕪枝氣自新檢點語言祛躁妄修持容貌合清醇而翁
望汝成名意奮跡衡門不厭貧

寄哭次嘉顧壻二首

一病無端損年少九原猶恨未成名才華似汝空勤學家
世何人始慰情堂上衰親聞乞假閨中弱婦莫輕生閩南
老淚遙揮處盼取遺孤乳哺成

時婦有孕

汝翁祖席設離羣汝更驅車爲出闔送別依依猶戀我決
科得得竟輸人龍山命酒馳書日

尊甫屬余遊惠山君更爲附書令叔屬爲地主

玉樹凋春未病身半載分襟成永訣遊踪回首愴前因

哭魯三習之

驚傳噩耗別淮陽欲信還疑淚萬行交爾廿年無畛域怪
予一面有滄桑去時病已支離甚此日愁隨觸撥長幾度
哭君心轉痛拈毫淒絕不成章

十載京華負盛名可憐無命到遐齡其人于世難諧俗此
筆他年可註經夢裏魂歸闕塞黑愁邊山向故鄉青盧溝
橋下桑乾水一夕流哀到海溟

追悼習之不已復賦三詩誌慟

舅家名德有遺型天遣斯人不晚成自古沈憂損年命從
來造物忌聲名脩文地下隨顏子

君今年才三十二

標譽人間笑

福衡我作孔融差不愧憐無薦表到瑤京

薄樗淒涼寄義園

京師厝
柩之處

憑誰剪紙爲招魂遺書草草歸

同輩孤志冥冥向九原衙署孝廉名不忝歛仍縗服恨猶

含

舅母今
尙在堂

金門似海難通籍忍說生前未受恩

爾小同居長更親黃壚一去手長分聯床夢冷燈無焰聞
徑心孤日易曛誌墓求人寧過僕銘旌題我更無君他年
腹痛思前語腸斷燕臺日暮雲

有懷魯賓之舍人

薇省舍人無恙否宦情經學兩何如未能啖餅紅綾宴尙
許簪毫白玉除北里溪山秋曉外西清鈴索夢迴初退之

子厚平生志莫學文園賦子虛

君家從子才無敵

謂習之

計吏三偕竟殉身千里關山吾欲

痛當時含歛爾曾親人間剖玉難求價海上騎鯨好縱鱗
祇是可憐同調少黃公壚下况蕭晨

除夕祭詩作

一枝彩筆十年藏乍覺霜毫忽吐銚縱使工之究何補果
能窮我亦無妨年華漸謝梢頭蔗才技深慚肘後楊待把
春潮添永漏更從詞海著舟航

三載淮陽感慨多客懷漫倚醉顏酡若成歸夢妻應笑解
聽任吟僕亦歌春信已從寒意轉名心更遣世情磨儘放

刻却豪華氣料理新詩詠太和

除夕

兩行銀燭一爐香歲事關心夜正長
自覺檢書疎點勘每慚顧影拙趨陪
鏡中鬢髮垂垂改天上星辰脉脉望尙有
平生心力在蓬門歸掩草玄堂

南船北馬負居諸爆竹聲中感歲除
儘有瓶花相慰藉曾憑經訓作菑畬
千秋只覺文章誤十載偏於骨肉疎想得
故鄉兄弟輩萊衣舞處會相如

新正四日脫右車

鮮民華髮不勝簪老可恒稱感曷榮
毀齒更誰論弱歲趨

庭祇自警童心

時供先府君輔車痛入鵠原淚骨肉悲先太恭人畫像

生薤露吟

年病歿莫說刺肥猶可恃不能祿養已慚深

元旦試筆

帝里春光慶履端故園花竹共平安吟詩正切咳蘭慕作賦寧誇彩筆干遊子事親須養志書生學道要勤官遙知堂上關心處莫遣詞垣笑伐檀

余家有園在南昌先世父恕堂府君所經營也今已

廢爲居民宅矣覃溪先生述其已卯興江西試時

曾過園中亭外木芙蓉盛開亭柱有聯曰他山之

石在水一方乃分書極清古可愛及督學江西聞

之人乃無知者余請爲補書以藏於家塾先生領
之復屬朱野雲爲繪圖因先賦呈二律誌感俟圖
成索同志者賦之

舊勝新題許八分百年老輩重斯文園荒莫問奇礪石心
感勝書白練裙孺子亭蘿三徑草蘇公圃老半湖雲南昌
勝蹟多悲慨況是家庭少見聞

卜築江鄉屋數椽本非金谷與平泉科名盛日亭偏廢水
石留成夢亦妍歸思漫多牽屋感詩懷不羨買山錢誰知
紫屐經過地翰墨因緣在日邊

得家書知先府君舊宅典與十二姪希良彥士弟移

太乙舟詩集

卷八

七律

七

居石竹山房玉士第則典十六從弟沈宅居此舊
宅乃朗亭兄及玉士彥士受分業也朗亭兄携家
赴河池州任所用光居京師則前所買嵇氏屋也
善和里內書千卷履道坊前地十弓蔣徑乍消殘臘雪晏
楹誰護試燈風浮家燕薊初書苑典屋江鄉竟轉蓬世業
口分悲昔夢中年人事變遷中

榮落漫分田氏樹收藏幸比楚人弓擲金虛北應醒夢避
債高臺得障風何日范莊成義產昨來蘇季歎飄蓬中田
兩姓都非昔

中田陳魯二姓最多世爲婚姻昨來就用光覓館展卷慙生債

廬中

移居懶眠卷二首

巢痕重認五雲邊，豈少先人屋一椽。
京國携家難卜築，鄉園有夢負林泉。
將雛燕乍營新壘，選樹鴉初定晚煙。
笑說萬間底寒士，自身且趁儼居緣。

西頭有屋計安便，壓擔書多篋塞先。
吉宅從人誇故相，浮家笑我逼中年。
詩吟車具孟東野，畫寫蘿雲葛稚川。
菜圃花畦料理處，解嘲與客說芝田。

上劉青垣侍郎

蓬萊頂上望清華，綺歲曾探禁苑花。
他日台司終繼武，兩朝舊德本名家。
案前尚守橫經業，門外惟留問字車。

十載辦香慚下士今朝纔拜絳帷紗

當年貳守向遼陽雲護陪京氣象昌偶爲股肱煩汲黯終
緣掌故召張蒼中書名定金甌卜左輔才經玉尺量廻憶
魚緘遙寄處心隨桃李列鱣堂

黃童敢詡出羣才當日思知首重回檀爲逆風偏繞座桐

因入爨忽呈材

用光應童子試時閱卷者已乙其文置廢
麓中試卷已毀裂矣師爲補葺之拔冠翁

子員評其文曰苦思與筆復亟賞其
詩用光生平知己惟師爲最先云一經伯樂會稱駿七

賦賓筵枉踏槐慚愧使星重照日空勞珊網暗中猜歲甲寅師

主江右試舉用光名向副主考錢公云此子當必在前五
名中已而用光竟不售嘗以是爲負吾師之望云

卅載孤蘆舉未成北轅此日拜觚稜車聲馳衛鳴雙轂月

影疎窗澹一燈修業敢云齊
顧協傳衣猶擬嗣和凝
夢輪袍曲平生笑幾向初桃戒履冰

奉題青垣先生拙齋集後

律諧璫管音逾靜露挹琳腴味轉清
西漢書原推說苑中唐詩更重長城
晨趨紫閣從書笏宵借青藜尙照檠
一品集成誰作序他年倘許玉溪生

西江宗派問何如永叔浩翁世已無
焯掌功嚴寧守拙移山心在敢忘愚
沈思任筆誰兼妙秋實春華合金驅
此日編摩欣有得后山一瓣屬東吳

上翁覃溪學士

碧澗紅泉舊夢存當年使者試前軒成均貢格雖辭薦經
術心期未負恩思以參苓充藥籠敢將桃李儼師門蘇齋
講席無由接悵望庭陰日易昏

寄懷惜抱先生

經年講席罷追隨風雨瀟瀟夢董帷可奈燕臺迴首日恰
逢鍾阜判襟時雞鳴孤館思君子帆截長江倚導師去年五月
望後自江寧北行至浦口阻雨數日庭畔柳條如憶別臨風
日後渡江謁師于書院雨宿乃別偏裊向南枝

十載襟期愧所親青衫初點帝京塵年年雲樹勞鄉夢
處處鴻泥證夙因閉戶經綸空抱膝參前忠信尙書紳蕭

齋認取鐙前影莫負鍾山問字身

買舟爲桐城之遊將隨惜抱先生往鍾陵肄業賦呈

四律

片帆江口及春開千里師門去興催彭蠡浪花平
幾過皖公山翠入船來淵源漫許他年溯狂簡終
慚此日裁回首昔遊成底事祇應深愧出羣才

春風高座蔣山旁行役隨師又束裝襜褕暫過
通德里橫經還就草玄堂花開雜樹庭陰合月轉
蕭齋客夢涼此日重遊知努力濟時事業好商量

復旦光華照八紘吾皇仁聖治蒼生已聞闕吏傳寬稅

佇看潢池報戢兵多士罷興城闕刺羣公會奏泰階平下
帷擬作天人策肯學終軍浪請纓

苦生勲業謝金貂誰爲儒林續解嘲要學姚崇陳十事早
師荀爽夢三爻琢磨定力圭辭璞展拓才華箭離弣驗取
襟懷清淡處天花不向戎衣拋

隨惜抱夫子由廬江買舟往金陵至泥汊守風

邛畔落花隨客遠天邊青草入春深扁舟小泊得佳趣終
日清談生道心風度墻坳煙縷斷浪交沙嘴漲痕侵山泉
一夜鴻寒玉夢到故園松桂林

奉懷惜抱夫子七律二首

不待經帷遂十年年年書札隔江傳
昨宵夢載元亭酒
日春生白下烟流寓欲題招隱句
卜隣未就買山錢
龍江一棹何時放心在鍾山帶草邊

卅年前寄海峯書老輩淵源著錄餘事業儘饒脩史外襟
期想見挂冠初鶯花滿眼春無價猿雀磨門夢未疎欲步
後塵公若許菜根風味勝鱸魚

題畫扇寄懷惜抱先生

春風吹夢到江南帶草門庭舊所諳
瑣院乍承新詔入巢痕如向故居參
月臨西序窗仍照樹倚東廊影欲探
不識昔年分校日跼跌何處結香龕

三千里外祝期願借取生花筆一枝待了邴原携笈願恰
當伏勝授書時謝墩買宅思終遂周尺量才愧重持分枝
不忘師訓處蕭然如在董生帷

喜得惜抱先生書

鍾陵回首碧雲邊小別春風又一年尺鯉久遲江上寄寸
心難向夢中傳杜詩翰筆平生事北馬南船住世緣第一
得知眠食健喜開笑眼讀花前

西清東觀夢如何長者空煩記憶多未塋服除慚古誼勞
生心苦寄行窩銘幽已表林宗墓授法還傳穆護歌何日
瀧阡真慰願牛眠指贈未應過

先生教以
堪輿法

喜晤紫塔傳聞其述姪傳傳重九連日遊龍眠甚樂

卽事有贈金寄呈姪傳師二首

康成門下談經士題袂天涯得暫親
鴻爪合教他日認岑苔原是夙生因
名存鄭志誰傳業吏隱鹽官自愛身却羨
登臨真有福從遊曾作舞雩人

龍眠山壓一城青杖履追隨昔亦經
雲壑招公辭皖口煙江遲我到元亭
路分百里遊難合別已三年夢亦醒
聞得健身能濟勝相思天末喜爲聽

已卯禮闈追憶惜抱先生

龍眠山色碧相參負笈前遊憶共探
校士命宣空冀北

傳經人去夢江南
土龍仍占西頭屋
彌勒誰同上界龕
不信年華彈指過
霜痕已點鬢鬢鬢

姬傳先生遺言以趙承旨書待漏院記墨蹟寄用光

感誌一詩

錦彈遠從江上寄
開械只有淚如絲
臨池已愧揮毫劣
從

宦猶深待漏期
帖重文家初拓本
尺歸孔氏乍分時
停雲館帖

孔東塘周尺皆先生屢次所贈
更番恩誼皆堪誌
豈是田生枕鄰辭

惜抱先生諱日詣鍾山書院愴述

都講堂非問字來
入門一步一徘徊
香焚諱日心尤痛
座

隔春風夢亦哀
永憶遺言期待漏
前時贈尺許量才
先生遺命

以所蓄趙文敏書王黃州待漏院記
墨蹟寄贈用光又嘗以周尺見贈
酒將帶草邊傍溪
羨明東侍夜臺

喜見康中丞刻成古文辭類纂初印本中丞亦姚師
弟子

曹憲但深蕭氏學孫洙枉得佛龕文從誇世上流傳本難
信詞場派別分開府昔叅都講席奇書今見辨香焚侯芭
老矣心猶燕喜說岑苔已策勲

祝人齋先生與先大父凝齋府君同爲宋儒之學府
君以先生艱嗣息而終年就館於外廼具束脩請
先生注禮記俾得居家免客遊也所注禮記稿本

七十餘卷存余家先君嘗訪問後人未得用光讀
厚石齋集有呈人齋舅氏詩因賦此呈汪碧山如
洲訊先生後裔

憶資孫復窮經事無爲商輅得子謀千里遺孤何處訪卅
年副本至今留碑陰先友前型溯宅相隔甥盛德酬料得
江鄉廻首處羊曇淚亦灑西州

東查春園

有月

先大父凝齋府君與海寧祝人齋先生爲講學友
先君及諸叔嘗訪求人齋先生後人無知者用光
讀春園集有與祝錦川祝東涯題詠詩不知其爲

人齋何屬作詩訊之

每讀柳州先友記輒深任助後人思淹中學尙藏遺稿

先生禮記注

稷下遊憐不並時新雨題襟因舊雨

春園於又山同

年爲從兄弟

洪友傳族有分支

祝氏爲海昌望族

盟薇讀罷還相訊南

阮東裴倘可知

論文三首

昌黎家法若爲傳滄海橫流事可肩下筆要當論典則用
情方與致纏綿繡裳赤舄居東日伐樹援琴歷聘年莫笑
書生工大詔從來弟子寢淵騫

宋學何人重徽國周官爭說誤荆公徇時未許心全誤泥

古由來術鮮工業本通經先責志道緣集益要虛衷滿家
文字恢奇甚誰識情深用世中

散帙經年耐寂寥文章深處性情超椎輪自合尊三代斑
管何須誦六朝天外御風難命侶人間服艾自盈要揚雲
儘作覃思學底及王褒賦洞蕭

夜中不寐感懷

枯魚銜索生悲思矯褐趨時只惜神漫向行年疑戊子且
從鍊魄守庚申課兒自愧難鞭情從宦空知貴守貧月色
入簾方倚枕風聲到樹未成春

端午雨後作

舊蒲色已謝青袍角黍香猶借濁醪不信絲能將命續
憐尸竟比人高蘭橈簫鼓迴鄉夢京國風雲入彩毫却憶
秦關征戍苦洗兵一爲借洪濤

任邱遣人視施姬墓

骨瘦香桃一夕休經年春恨閣心頭病來自信醫難救死
去誰憐性善愁旅瘞半途悲趙地調廢中夜憶吳舟孤墳
遙酒臨岐淚魂倘能來從我不

追憶壬戌冬偕靜娟過趙北口

雙心雙影過連橋夜色茫茫憶此宵水涸幸無湍響急路
迴生怕馬蹄驕曉星入店粧初倚驛吏傳餐策又遙今日

大正刊言集
偕行惟汝女駟原斷夢故鄉遥

漫興

剪鐙猶自課三餘老去心情只愛書作鏡無如溫史好着
鞭早愧治經疎雲能幻影何關我花不禁寒自痛渠多事
衰妻頻問慰笑儂不寐似鯨魚

夢靜娟

三月久難尋斷夢新春心共雪花飛不知促膝語何處但
喜圍爐迎遠歸紅燭不留醒後影練褰猶著舊時衣故園
復土成阡未千里寒雲接帝畿

重有感

每歎芸窗句乍裁
剪鐙無復個人來
月臨複壁香全燼
約虛簾影欲猜
誌墓文經前度寄
營齋夢自故鄉回
老懷
百事皆疎懶
剩有離心著夜臺

和蘭雪小除後一日作原韻二首

江關十載艷才華
學道心知未有涯
肯借世緣爲苦手
早將慧業擅名家
風迴臘鼓還飄雪
春到深山亦放花
杯酒
消融塵味盡
看君高咏五雲車

年時共剪讀書鐙
寒夜吟聲凍雀膺
卽歎流光無緩畧
同知跬步有堅冰
雲霞契合君誰敵
車笠盟寒我未能
紅杏
才名蓉鏡望相期
原在最高層

有贈

玉璫緘札報何遲
叩叩香囊繫所思
鄰媼強環憑繫縷
侍兒釵鳳許分枝
樓頭鶴影知迢遞
月下簫聲仗主持
打槳不辭迂路訪
紅橋正是洛春時

有贈

浮生同此百年身
身夢幻消磨未了因
梨棗不裁顏肯駐
鉛可配術終神丹
臺孰受安心法
紫府終登證性人
莫備塵寰無解悟
與君晤語已情親

儀徵阻風舟中遣悶四首

昨日書來慰旅愁
計程早晚到杭州
却因風阻蠻江畔
喜

得帆開越嶠頭榜妾調羹魚味美春波送岸櫓聲柔
陌上遲行色莫爲花開緩放舟

嬌女樽前教捉蝶癡童岸上問提壺愁余客路淹風水憶
子舟行入畫眉兩岸春山鶯語滑一江晴舫浪花粗紅橋
憶我題矜在誰信征衫又半途

暮雨偏隨襖被來晴雲喜被曉鐘催洲前喚渡難橫剪山
外停橈且緩開向午春寒衣欲換登舟客倦句空裁啼鶯
也在西風裏只向西湖勸舉杯

多情底事費安排特要青琴傍鏡臺越女難求珠十斛吳
娃索借錦千堆拋除昨夢沾泥藕商畧齊肩照月梅難得

詩吟三婦艷更煩大婦買春來

酴醾香夢泣春殘

難將心事訴梨雲更比梅花瘦幾分香逐春陰歸弱絮夢
隨幃影泣斜暝池邊雨墮鰾人淚堂上風飄鳳子裘瓊漏
丁丁簾漠漠鴛鴦六六護波紋

枝上黃鸝已送春池邊青草故愁人歌塵吹落三更月燭
淚飄殘一寸茵勾夢遊絲低拂架啣花輕燕遠藏身香魂
去路憑誰問如幄濃陰又作新

一聲批鴉棟花風壓架虬枝怨未窮素影總飄流水外香
魂猶戀繡屏中蝶酣漫笑鶯將老簾暖生憎日乍烘贏得

園林誇本色不須惆悵可憐紅

隔斷瓊枝有暮霞迎天幽思本無涯夢驚鶯舌頻呼醒
買榆錢未許餘香閣拚辭金屋成畫堂猶憶玉鴉叉愁腸
若化相思淚應爲牛酥悵落花

題蓮花博士第三圖爲蘭雪悼綠姬作

紫玉成烟恨不禁蓮花舊夢句空吟橫塘水暖初聞笛山
館雲歸又碎琴博士顏銜原落窈月娥消息費搜尋隔生
雖有西湖約只恐難銷讀畫心

事見蘭雪聽
香館雜記

歡悵愁緒雨迢迢我亦更番哭玉簫香斷靈芸難辟蠹珊
收鍊網竟辭條

芸如珊倚
雨侍女名

態態空許吟詩憶魂弱知難倩

畫招誰信待年年不待輸君曾度可憐宵

一種深情到眼前兩番秋雨夢嬋娟綠慳不遇良醫抹命
薄難禁大婦憐病裏啼痕因送別花時嬌語欲參禪若教
徵畫兼徵詠索費詞人百幅箋

平生艷福讓君多却扇新詞又翠娥仙女三生留影在美

人一拜奈情何樓因貯月還移樹

俱見蘭雪本事詩

畫可通靈憶

補蘿笑索丹陽豪士謝買春可否當酬歌

與蘭雪有代我買春之約

題畫

淺青衫子淡紅裙紈扇携來坐夕暝到眼春光濃似酒昨
宵好夢遠於雲人誇夫婿同徐悱自有才華敵左芬一樹

桃花千个竹就中艷煞卓文君

無題

十二瑤臺貯玉真上清淪謫記前身內家裝束都宜稱謝
傳門庭恰等倫賦茗才高詞似錦簪花格妙筆生春金鑾
脫力容華句應許斯人接後塵

萬方儀態畫圖中體格雖殊氣象同不用解圍施步障居
然講德坐深宮玉梅弄蕊璫聞暖細帙排籤蕙業通中表
才名相伯仲劉家三妹漫稱雄

碧鸞排尾度深宵一院濃陰拂綺寮亞字欄邊月將午博
山爐畔篆初飄釵頭鳳子名真稱雲際湘妃恨轉饒比似

主人都少遜祇憐無命嫁文簫

石火光中劫運持逸才終荷上天慈珠離碧海從稱寶草
出丹山自號芝闥苑書來人善病玉樓春好月垂帷返魂
香續三生約看取真妃納詔時

最憐

千里卸裝聞小極半年幽夢苦無憑雲窗青鳥難傳札霧
閣珠簾暗轉燈餘我誰將錢十萬賺他肯借豆三升最憐
軟語沈嬌喘病起階前步不勝

他日

風前斜照放新晴積水堂均遠意生淺擁芥舟浮淡碧倒

輕雲幕得空明閃堦兀坐一迴首他日故園無限情花
半簾屏六曲木香池畔聽春聲

春閨

料峭春寒罷繡時縷金猶壓鏡邊絲商量花樣收新格指
點雲容有澹姿女伴都邀蘭作佩夢痕渾憶月披帷打窗
風大闌心處莫遣繁紅損嫩枝

往日

歸思空歌慨金鷺卅年人事感而今犢禪肯作臨邛態
飯誰存瀨水心往日馮驩曾毀券他時疏廣戒遺金傾身
障簾尋常事祇惜前賢少嗣音

花朝偶作

飛塵十丈繡幃邊
盡日封姨儘放顛
憑仗東皇能管領
更無花事鬥新妍
三生牡牧尋春恨
他日裴航種玉緣
安得道人殷七七
竟從閬苑致嬋娟

看他百卉各爭春
擬藝青詞奏上真
香閣不宜梅格韻
深山空長蕙精神
路旁苦李花偏艷
檐尾酴醾色轉新
一笑薔薇紅爛漫
枝頭芒刺解傷人

杜鵑啼血滿山紅
誰信牽牛恨亦同
色靜偏明秋夜月
香清遠送畫樓風
妍華未肯勤春事
生命何當問化工
愁煞玉繩低轉候
啼煙泣露一叢叢

一枝木筆白皚皚，竟向東風爛漫開。
詎有貞操傲冰雪，曾分種占亭臺香。
留粉蝶能藏影，色亂寒梅欲換胎。
翻笑平生江夢杳，只緣錯料趙堯來。

傷春情緒惜花心，檢點韶光付短吟。
十道夢迷紅藥省，卅年身老白雲岑。
拘枝伴少王孫倦，拾翠人遙芳草深。
張翊羅虬俱寂寞，遺編誰與豁塵襟。

七夕

略有疎星幾點懸，一庭風露浩無邊。
天街雨歇蟾微吐，銀浦雲深鵲可填。
寒到湘簾難久立，夢成鴛被肯遲眠。
故鄉兒女陳瓜果，却憶燕臺路幾千。

和蘭雪得家書寄畚蕙風閣主人之作

緩帶心懸望遠途才郎春夢轉蕭疎
儒家妾少量珠聘名士妻無織錦書
自惜蘭情同蕙性幾時翠幃迓香車
爲憐兒女婚期近亦要雲窗早潔除

初試成均

身自虞庠夏序來辟雍遙望鬱崔巍
五經漫許論家法三物真慚說滯才
雲借午陰澄麗日風迎蟬響韻疎槐
鳳城橐筆趨承處千里江鄉首重回

舉京兆作

少小輕肥願本無漫因負笈狎江湖
爲鐘敢認疑神虞投

傳初感變彩虛人以文章期告者天教姓字到 皇都
陽正切高堂望急草長箋報遠途

不能早達才原鈍何以娛親事正賒千里燕臺初作客半

年賴左尚浮家時家大人尚客陳州豪華往日矜犀塵生計而今信

畫父祿養若謀通籍後倚容勾漏乞丹砂

荷亭課讀事全非先慈有荷亭課讀舊州載韶華只自悲失母身今

千里外九熊味憶九齡時畫中池館原如昨夢裏音容恰

莫追慚愧旁人誇宅相重因經幔哭定之用光弱冠後受業於山木舅氏

羣仙抗手瑣闌開盡徧珊瑚入網來予初未識狄次公太史揭曉次晨太史自

聞中出卽以名箋持賀且云聞中聞船山太史賀能令項多饒峯師之得用光皆爲刮目余則感而滋媿云

斯感知已竭慚孔顓本粗才江南夢醒泥金帖 帝里雲
澄市駿臺莫忘短檠攻苦意好將詞賦學鄒枚

散館紀恩

重趨 丹陛觀 天顏奉 敕身隨退仗間入館經年充
史局此生今日定仙班恩波暖共龍池水麗日祥生鳳
山慚愧素餐稱彩筆猶叨乳酪 御厨頒

領祿米

先疇累世拜 君恩 天庾重叨 賜祿存來自田間知
重穡頒隨車服媿乘軒漫誇詔釋依丹地曾記薦趨到白
門猶有康成家法在玉堂散帙一重論

觀驛

經年負載豈無情
忍聽悲嘶別主聲
策蹇于鄉千夢穩
簪賢及汝百愁生
塵中盡力誰先聘
世外求芻不易營
祇惜此材非駿骨
黃金臺畔莫橫行

早朝過市見趁市者歇擔泥塗中

籠燈幾許照泥痕
辛苦謀生薄利存
侵曉車聲初過市
耐寒人影半遮門
熱腸尙自懶軒蓋
冷宦安能志飽溫
三寸毛錐一丁字
敢誇身貴業原尊

皇上親耕籍田敬紀二首

農祥見後協風初
翠幕青壇潔掃除
令肅先庚嚴
法駕

日占吉亥迓 鑾輿 鴻儀歲舉原師古令節風和怡進
書省識 齋宮精享意侍臣誠敬總能據

鳳管聲中 玉輅臨晴郊春氣洽 宸襟有年自報 勤

民意無逸彌昭 續緒心已見河流循故衛會看井絡獲
前禽寰區事事闕 宵旰願聽農歌和凱吟

七月望日引 對記名御史富葉芸潭

左掖初枕晉 上林商量身世幾沉吟敢誇臺閣生風手
仍是歐蘇乞郡心祿養他年悲莫逮詞臣此日俸初深故
人厚我還相最對鏡先愁鬢雪侵

擢庶子呈儼宮端覺生前輩

感遇平生未有詩神遊萬卷惜年衰菲材敢望華資踐踰

格類叨聖主慈老輩芝階聯步日新篇弓體受榮時宮端時為

軀間麗體文廿年莫謂詞臣老今日詞臣始得師

答謝筠潭同年見賀學士次韻二首

通籍遑誇廿載前蓬山慚說臥能堅更無旁助膺殊眷

何以酬知副美遷門戶幸支中落後師承每憶少遊先伏

生八十銜方賜惜抱師庚午重宴鹿鳴始蒙恩加四品銜早得恩榮感

自天

石林聲望本廬前都轉承操晚更堅籌國能令商力裕

展才勝得柏臺遷九衢縱馬須鞭後一局敲棋貴占先自

太乙舟詩集

卷八

七律

三

昔熬波同播穀不分因地與因天

答謝覺生前輩賀擢學士之作不次韻

作賦曾傳枚叔法

余爲庶常時君爲指授作賦法

治經愧似賈山踈廿年

從宦叨閒福三島承

思得美除黃卷蹉跎衰鬢外素心

策勵晚風餘辱詩寵贈知難稱自視惟如就傅初

丁亥十月十六日拜擢授詹事之命紀恩二首

晉階逾次荷殊榮

寵命傳來受益驚坊局趨堂守端範

予昔擢中允庶子皆登端範堂

聖謨箴坐凜存誠

署中

聖祖仁皇帝御書存

碑

三冬學豈平生足百世名難暮景成自愧禁中非頗

牧西陲不敢請終纓

自分蟬魚老此生敢云證果得圓成誰知佛賜瞿曇地竟

許仙登脉望名榮占詵枝懷往哲署中一枝軒明賢所題也香分韓轡

守初盟翰詹署皆祠祀昌黎公御溝一帶清如許記取永衡對影清

已卯秋閑閱卷後有作次明王衷白庚戌聚奎堂原

韻

風簷隔斷棘闌深古戰場真按轡臨坐擁皋比從占席手

栽松子可成林迎郊負弩緣原淺席帽青袍夢未沈不負

水蟾相對處庚申守此廿年心余以庚申舉京兆試

太和門外步月時充武 殿試收掌官

金波穆穆擁輪行丹地能教悟境生士品由來須潔白文

心於此得光明雲階鋪永紋俱細宮樹籠烟影亦清何幸
雕欄文砌畔低吟許著讀書聲

尙書郎給青綾被更直西京建禮門幸倚儒臣辭宿衛揭
因策士傍宮垣永池勢繞橋痕曲璧月光含殿影尊
連日飽看天上景人間何處詫林園

壬辰九月奉命主武會試紀恩金呈朱某堂副
憲姚伯昂少馬兩同年少馬時爲知武舉

秋選干城請御裁恩綸屈日下容臺鎖闥命試孫

吳法趨禁慚非頗牧才馬列長楸垂佩肅唱名入闈時聞
威儀殊整肅

弓彎滿月先期開墨痕飛處龍韜熟一種書生得得來

聲來判事彩毫新回首當年應舉身鴻爪因緣話京兆岑

苔氣誼守庚申

伯昂與余同舉庚申京兆概堂舉交推北

地才兼武秋試南宮例代春

文闡南宮試在春武闡南宮試在秋禮樂兵農

恩報稱永銜同勵拜 恩人

奉 命副劉筠圃同年典試江南紀 恩述懷

十八年前乾蔭在星輶爲我一開眉 君恩重許人持節

客夢兼成第憶師

余癸丑受業姬傳先生居鍾山書院者半年

帶草悲曾依遠

志夢我痛欲廢笙詩守身敢忘終身慕得土方酬國士知

東筠圃少宗伯同年

中壘光曾分太乙后山派敢詔西江乘駟乍喜成霞倚榻

管深慚許鼎扛日暖秋原聯玉勒月涼候館話銀缸無端
隔面因分院左計真嫌僕隸蠢

聞中書懷

指點鍾山秉節行卅年前是魯諸生舊遊地憶傳經事校
藝塲深勸學情猶有故人披席帽頗聞多士盼霓旌如何
不負持衡處一片冰心早自盟

心聲家法兩堪稽生恐金沙到眼迷早信馬揚難遽得猶
思崔蔡尙能齊商量驥德收駸裏約略檀材聚澤壚幸有
同心劉子政光明藏許借星藜